

SARS E ŠOMANA LE GO LOKIŠANA LE BOTHATANYANA BJO ITŠENG BJA TIRIŠO YA SESTEME YA EFILING

Pretoria, Laboraro, 3 Julae 2019 – Ba Ditirelo tša Motšhelo tša Afrika Borwa (SARS) ba lemogile bothata bjo balefela motšhelo ba bangwe ba bo lemogilego ka tirišo ya efiling. Se se diragala ge ba leka go boloka pušetšo ya bona ya motšhelo wa letseno ka go sesteme, gape ge ba bulagape pušetšo le go kgotla konope ya go tlhakantšha pele ga ge foromo e tšwelela ka botlalo. Bothata bo goletše godimo ge balefela motšhelo ba kgotla kgotla gantši ka ge ba leka go lebelela dipušetšo tša bona.

SARS e tla be e lokiša dikonope ka moka, go akaretša konope ya go tlhakantšha, yeo e tla bego e setlhafadišwe mola foromo e tla be e sa le gare e louta. SARS gape e tlo kgaoletša dikgotlakgotlo go konope enngwe le enngwe go mokgotlo o tee.

SARS e leboga bafaedi ba efiling bao ba thomilego go faela ka pela ka ge ba re tsebišitše ka ga bothata bjo gomme re kgopela tshwarelo bakeng sa matshwenyego ka moka ao re a baketšego balefela motšhelo, kudu bao ba tlogago ba ikgafa go obamela ka go faela dipušetšo tša bona tša motšhelo e sa le ka pejana.

Re hlohleletšwa ke phalalelo e botse ya palo ya dipušetšo tša motšhelo tšeo di rometšwego ka eFiling lenyaga. Ka morago ga matšatši a mabedi a go faela ka eFiling, SARS e šetše e amogetše palo ya go feta seripa sa million sa batho ka noši bao ba šetšego ba tsene ka go sesteme, bao ba ba 297488 ba kgopetšego dipušetšo tša bona mola ba ba 188140 ba šetšego ba faetše.

SARS e thabišwa ke phalalelo ya tirišo ya dikanale tša ditšitale gape re šoma ka thata go nolofatša maitemogelo a go faela dipušetšo.